



partii naleraq

2.april 2019

UPA2019/123

Naalakkersuisut kingusinnerpaamik UPA2020-imut Aasianni annertuumik innarluutillit angerlarsimaffiannik pilersitsinissaminnut pilersaarusoqqullugit peqquneqarnissaanik siunnersuut.

(Inatsisartuni Ilaasortaq, Stine Egede, Inuit Ataqtigiit)

Inatsisartunut ilaasortaq Stine Egede Inuit ataqtigiit siunnersuuteqarpoq, tassalu UPA2020-mut Aasianni annertuumik innarluutillit angerlarsimaffiannik Naalakkersuisut pilersitsinissaminnut pilersaarusoqqullugit. Tamannalu oqaaseqarfigissavarput Partii Naleraq sinnerlugu.

Nunatsinni inoqatigut innarluuteqalersimasut pitsaasumik ikorfartorneqarlutillu sullinneqarnissaat tamatta pingaartikkippat oqaatigerusupparput, pingaartumik inuit innarluuteqartut ilaqaataat avatanngiisaasali pitsaasuunissaat assut pingaaruteqarmat inuttut allatulli misigisimatinneqarnissaat eqqarsaatigalugit.

Siunnersuummi tunngavilersuutigineqartut aallaavigalugit inissanik suli annertuumik pisariaqartitsoqartoq tamannalu isigissagaanni innarluutillit angerlarsimaffissaanik nutaamik pilersitsinissaq tunngavissaqarpoq pilersinnissaannut eqqartueqatigiinnissamut.

Pingaartumik aamma nunatta avannaani ilaatigut innarluutillit ilaqaataannut qanittumi aammalu tikeriartaarnissaannut periarfissalimmi pilersaarusiortoqarnissaannut siunnersuut Partii Naleqqamiit soqutiginarput isigalugu tapersorsorparput.

Innarluutillit ilaqaataasa aamma qasuersaarfeqarnissaat tamatta ilisimavarput pisariaqartitsineq qanoq annertutigisoq, neriunniartalu aamma inatsissamik siunnersuut imikkoortoq 205 22.marts 2019 eqqartugarput, innarluutillit ilaqaataasalu tapersorsorneqarnissaannik siunnersuut aamma inuit pineqartut malugilluarumaaraat.

Tunngavilersuummi ilaatigut sulisussat amigaataasinnaaneri annertuumik aallaaviorpasippoq itigartinneqarnissaanut siunnersuutip. Tamanna isumaqatiginngilarput inuit innarluutillit sulissunnissaannut pilersaarusiornissat aallartinneqarnissaat soqutiginarpoq pisariaqartitsinermi annertummat.

Siunnersuut tamakkiisumik taperserlugu isumaginninnermi ataatsimiititaliami suliarineqarnissaa innersuussutigaarput.

Hans Enoksen

